

ახალციხის მუნიციპალიტეტი



სკულპტურული კომპოზიციის არქიტექტურულ-მხატვრული პროექტის საკონკურსო დოკუმენტაცია

წინამდებარე საკონკურსო განცხადება შედგენილია "სახელმწიფო შესყიდვების შესახებ" საქართველოს კანონისა და კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე სახელმწიფო შესყიდვების სააგენტოს თავმჯდომარის 2011 წლის 10 თებერვლის ბრძანება №3 საფუძველზე.

2011 წელი
ქ. ახალციხე

ს ა რ ჩ ე ვ ი

1. საკონკურსო განცხადება-----3გვ.
2. ტექნიკური დავალება -----5გვ.
3. დანართი №1-----7გვ.
4. ხელშეკრულების პროექტი-----10 გვ.

განცხადება კონკურსის ჩატარების შესახებ

1. ახალციხის მუნიციპალიტეტი აცხადებს კონკურსს სკულპტურული კომპოზიციის პროექტის შემუშავების მომსახურების საკონკურსო წესით სახელმწიფო შესყიდვაზე და იწვევს კონკურსში მონაწილეობის მისაღებად ყველა დაინტერესებულ პირს.
2. კონკურსის მიზანია ქ. ახალციხეში არსებული კულტურული მემკვიდრეობის (ეროვნული მნიშვნელობის კატეგორიის) ძეგლის „ახალციხის ციხის“ ტერიტორიაზე ორ გალავანს შორის მშენებარე სკულპტურების პარკის ტერიტორიაზე 5(ხუთი) საუკეთესო სკულპტურული კომპოზიციის არქიტექტურულ-მხატვრული პროექტის გამოვლენა და შემდგომში საპროექტო-სახარჯთაღრიცხვო დოკუმენტაციის დამუშავება.
3. შესყიდვის საერთო ღირებულება შეადგენს: 50000 ლარს , ობიექტული სკულპტურული კომპოზიციის არქიტექტურულ-მხატვრული პროექტის ღირებულება შეადგენს 10000 ლარს)
4. საკონკურსო წინადადების წარდგენისათვის პირი იხდის საფასურს 50 (ორმოცდაათი) ლარის ოდენობით. საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებგვერდზე (www.procurement.gov.ge).
5. საფასურის გადახდის დამადასტურებელ დოკუმენტში მითითებული უნდა იყოს:
 - ა) გადახდის დამადასტურებელი დოკუმენტის უნიკალური ნომერი და გადახდის თარიღი;
 - ბ) შემსყიდველი ორგანიზაციის დასახელება და საიდენტიფიკაციო კოდი;
 - გ) კონკურსანტის დასახელება და საიდენტიფიკაციო კოდი;
 - დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.
6. საკონკურსო წინადადება, რომელიც არ შეიცავს ამ წესის მე-4 და მე -5 მუხლებით გათვალისწინებულ საფასურის გადახდის დამადასტურებელ შესაბამის დოკუმენტს, არ განიხილება და პირის საკონკურსო წინადადება ექვემდებარება დისკვალიფიკაციას.
7. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე.
8. საკონკურსო წინადადებით წარმოდგენილი ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე და ხელმოწერილი შესაბამისად უფლებამოსილი პირის მიერ.

შენიშვნა: დოკუმენტაციის ან/და ინფორმაციის უცხო ენაზე წარმოდგენის შემთხვევაში მას თან უნდა დაერთოს ნოტარიულად დამოწმებული თარგმანი ქართულ ენაზე. ადმინისტრაციული ორგანოებიდან წარმოსადგენი დოკუმენტები, წარმოდგენილი უნდა იყოს დედნის სახით ან ნოტარიულად დამოწმებული ასლები.
9. კონკურსის გამოცხადების თარიღია: 2011 წლის 21 დეკემბერი, კონკურსში მონაწილეთა რეგისტრაცია განხორციელდება შემდეგ მისამართზე: ქ. ახალციხე, კოსტავას ქ. №18 ან ქ. ახალციხე, შ. ახალციხელის ქ. №2 ახალციხის მუნიციპალიტეტის ადმინისტრაციული შენობა.
10. კონკურსში მონაწილეთა რეგისტრაცია დასრულდება: 2012 წლის 10 იანვარს 11:00 საათზე. განცხადებას თან უნდა ახლდეს წარმოდგენილი დოკუმენტების ნუსხა, ხელმოწერილი განმცხადებლის მიერ, ამავე დღეს 13:00 საათზე გაიმართება კონკურსის (ტექნიკური დავალების) პრეზენტაცია უშუალოდ სკულპტურების განთავსების ადგილზე ქ. ახალციხეში არსებული კულტურული მემკვიდრეობის (ეროვნული მნიშვნელობის კატეგორიის) ძეგლის „ახალციხის ციხის“ ტერიტორიაზე.
11. საკონკურსო პროექტების ჩაბარების ბოლო ვადაა 2012 წლის 25 თებერვალი, 18:00 საათი , ქ. თბილისი კულტურული მემკვიდრეობის დაცვის ფონდის ოფისი, მისამართი: ქ. თბილისი დავით აღმაშენებლის გამზირი 136.
12. ნამუშევრების გამოფენა მოეწყობა 2012 წლის 28 თებერვალს ქ. თბილისი კულტურული მემკვიდრეობის დაცვის ფონდის ოფისი, მისამართი: ქ. თბილისი დავით აღმაშენებლის გამზირი 136.

13. დაგვიანებით წარმოდგენილი საკონკურსო წინადადება არ განიხილება და დაუბრუნდება კონკურსანტს.
ანგარიშსწორება მოხდება უნაღდო ანგარისწორებით ლარში.
ანგარიშსწორება მოხდება ერთ ეტაპად მიღება-ჩაბარების აქტისა და საგადასახადო ანგარიშფაქტურის საფუძველზე, გაფორმებიდან 15 კალენდარული დღის განმავლობაში.
საავანსო ანგარიშსწორება არ გამოიყენება.
14. კონკურსანტმა რეგისტრაციისას უნდა წარმოადგინოს შემდეგი დოკუმენტაცია:
- განცხადება მონაწილეობის მიღების შესახებ;
 - რეკვიზიტები: მისამართი (იურიდიული და ფაქტობრივი), ტელეფონი, ფაქსი, საბანკო რეკვიზიტები;
15. საკონკურსო განაცხადს(პროექტს) უნდა დაერთოს შემდეგი დოკუმენტაცია:
- საკონკურსო პროექტი, რომელიც წარმოდგენილი უნდა იყოს, მაკეტის, ნახაზების, რამდენიმე რენდერის ან პერსპექტიული ჩანახატის ფორმით;
 - პროექტი წარმოდგენილი უნდა იყოს A2-ის ზომის ორ პლანშეტზე. შესრულების მანერა თავისუფალია. ნახაზები უნდა ასახავდეს სკულპტურული კომპოზიციის ზომებს, ფერსა და ფაქტურას;
 - სკულპტურის მაკეტი წარმოდგენილი უნდა იყოს ზომით 1:50.
 - პროექტში მითითებული უნდა იყოს მონიშნული ტერიტორიებიდან უშუალოდ რომელი ადგილისთვისაა იგი განკუთვნილი (A,B,C,D,E);
 - გასაწევი მომსახურების სრული ტექნიკური აღწერა, განმარტებითი ბარათი;
 - ინფორმაცია მომსახურების მიწოდების ვადის შესახებ;
 - ცნობა შემოსავლების სამსახურიდან ბიუჯეტთან ანგარიშსწორების შესახებ;
 - ინფორმაცია დღგ-ს გადამხდელად ან არ გადამხდელად რეგისტრაციის შესახებ.
 - ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
 - კონკურსანტის წარმოდგენილ დოკუმენტაციას თან უნდა ერთვოდეს ელექტრონული ვერსია. ამასთან, კონკურსანტმა დამატებით უნდა წარმოადგინოს საპროექტო დოკუმენტაცია CD-ზე PDF ფორმატში, რომლის ერთი ფაილის მოცულობა არ უნდა აღემატებოდეს 8 მგბ-ს.
აღნიშნული დოკუმენტაცია გაცემული უნდა იყოს "კონკურსის გამოცხადების" ეტაპის დაწყების შემდეგ და წარმოდგენილი უნდა იყოს დალუქული კონვერტის სახით 2 ეგზემპლარად.
16. საკონკურსო წინადადების შეფასება და გამარჯვებულის გამოვლენა:
კონკურსანტი გამარჯვებულად ჩაითვლება თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად გადანაწილების შემთხვევაში გადაწყვეტია საკონკურსო კომისიის თავმჯდომარის მიერ მინიჭებული ქულა.
17. გამარჯვებულმა კონკურსანტმა უნდა უზრუნველყოს მიმწოდებლის მიერ საკონკურსო განაცხადის შესაბამისად საპროექტო-სახარჯთაღრიცხვო დოკუმენტაციის წარმოდგენა შემსყიდელისათვის.
18. საჭიროების შემთხვევაში შემსყიდველი უფლებას იტოვებს შეიტანოს ცვლილებები სკულპტურებში.
19. საკონკურსო კომისიას უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზების გამო,
აგრეთვე სახელმწიფო ან/და საზოგადოებრივი ინტერესებიდან გამომდინარე, შემსყიდველი ორგანიზაცია ვალდებული არ არის აუნაზღაუროს კონკურსანტს შესყიდვაში მონაწილეობის ხარჯები.
20. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:
საკონკურსო კომისიის წევრი:

გელა დემეტრაძე: ტელ: 591177515 gelademetradze@yahoo.com
დიმიტრი შაფაქიძე: ტელ: 599104132 archlab3@gmail.com
მაკა სამსონიძე: ტელ: 595 95 50 51 samsonidzemaka@yahoo.com

ტექნიკური დავალება

შესყიდვის ობიექტს წარმოადგენს: ქ. ახალციხეში არსებული კულტურული მემკვიდრეობის (ეროვნული მნიშვნელობის კატეგორიის) ძეგლის „ახალციხის ციხის“ ტერიტორიაზე ორ გალავანს შორის მშენებარე სკულპტურების პარკის ტერიტორიაზე 5(ხუთი) საუკეთესო სკულპტურული კომპოზიციის არქიტექტურულ-მხატვრული საპროექტო დოკუმენტაციის შედგენა.

კონკურსი ხორციელდება ქ. ახალციხეში არსებული კულტურული მემკვიდრეობის (ეროვნული მნიშვნელობის კატეგორიის) ძეგლის „ახალციხის ციხის“ რეაბილიტაციის პროექტის ფარგლებში. სკულპტურების ხეივანსათვის გამოყოფილია ტერიტორია, ციხესიმაგრის ჩრდილო-აღმოსავლეთ ნაწილში ორ გალავანს შორის. პროექტით გათვალისწინებულია სასაფლაო გზის მოწყობა, რომლის ორივე მხარეს უნდა დაიდგას თანამედროვე სკულპტურული კომპოზიციები. ამ სკულპტურებმა თავისი ფორმით, მასალითა და ფერით, მძლავრი თანამედროვე შტრიხი უნდა შეიტანოს ქ. ახალციხეში არსებული კულტურული მემკვიდრეობის (ეროვნული მნიშვნელობის კატეგორიის) ძეგლის „ახალციხის ციხის“ განახლებულ ანსამბლში. ამავე ტერიტორიაზე მოეწყობა გალერეა-კაფე და ღია ბავშვთა ქანდაკების სასწავლო სახელოსნო.

მონაწილე პირთა წრე შეუზღუდავია.

ქანდაკებების თემატიკა თავისუფალია.

კონკურსი გამოავლენს საუკეთესო პროექტს თითოეული ამ ადგილისათვის. სულ 5 გამარჯვებულ კომპოზიციას.

მისამართი: ქ. ახალციხეში არსებული კულტურული მემკვიდრეობის (ეროვნული მნიშვნელობის კატეგორიის) ძეგლის „ახალციხის ციხის“ ტერიტორია.

დანართი №1-ში მოცემულია არსებული სიტუაციის ამსახველი ფოტომასალა, ადგილები A,B,C,D,E სადაც განსაზღვრულია სკულპტურების დადგმა. აქვე მიცემულია საერთო არქიტექტურული თვალსაზრისით თითოეული ობიექტისათვის განსაზღვრული დაახლოებითი გაზომვები.

საპროექტო-სახარჯთაღრიცხვო დოკუმენტაციის მიწოდება უნდა მოხდეს, შემდეგ მისამართზე: ქ. ახალციხე, შ. ახალციხელის ქ. №2-ში.

შესყიდვის საერთო ღირებულებაში სრულად უნდა იყოს მოცემული კონკურსით გათვალისწინებული საპროექტო-სახარჯთაღრიცხვო დოკუმენტაციის მომზადებასთან დაკავშირებული ნებისმიერი ხარჯი.

საავტორო ზედამხედველობა და კანონმდებლობით გათვალისწინებული ყველა გადასახადები საპროექტო-სახარჯთაღრიცხვო დოკუმენტაცია მომზადებული უნდა იყოს საქართველოში მოქმედი ნორმებითა და სტანდარტებით.

გამარჯვებული პროექტის ავტორები კონკურსის მომწყობს გადასცემენ „საავტორო და მომიჯნავე უფლებების შესახებ“ საქართველოს კანონის მე-18 მუხლით გათვალისწინებულ ქონებრივ უფლებებს, ასევე შესყიდულ პროექტში ცვლილებების განხორციელების უფლებას ამავე კანონის მე-17 მუხლის პირველი პუნქტის „დ“ ქვეპუნქტის შესაბამისად

იმ შემთხვევაში თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გათვალისწინებული დამატებითი სამუშაოების

შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენა უნდა განხორციელდეს ანაზღაურების გარეშე.

პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი ზეპირი ან წერილობითი სახით თანხმდება შემსყიდველთან.

ახალციხის მუნიციპალიტეტის

საკრებულოს თავმჯდომარე

მალხაზ გიქოშვილი

ქ.ახალციხე, კოსტავას ქ№18

ს/კ 224086352

დანართი №1

სკულპტურული კომპოზიციების საორიენტაციო ზომები


A – 300x1800 h=300 სმ.

B – 400X400 h=550 სმ.



C – 400x600 h=200 სმ.

D – 300X300 h=450 სმ.

E – 100x1000 h=400 სმ.







ხელშეკრულების პროექტი

ქ. ახალციხე

— 2011 წელი

ერთის მხრივ ახალციხის მუნიციპალიტეტის საკრებულო, საკრებულოს თავმჯდომარის მალხაზ გიქოშვილის სახით (შემდგომში - შემსყიდველი), და მეორეს მხრივ, _____ (შემდგომში მიმწოდებელი) წარმოდგენილი _____ სახით, კონკურსის საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში ხელშეკრულება) შემდეგზე:

2. ხელშეკრულების საგანი

ქ. ახალციხეში არსებული კულტურული მემკვიდრეობის (ეროვნული მნიშვნელობის კატეგორიის) ძეგლის „ახალციხის ციხის“ ტერიტორიაზე ორ გალავანს შორის მშენებარე სკულპტურების პარკის ტერიტორიაზე 5(ხუთი) საუკეთესო სკულპტურული კომპოზიციის არქიტექტურულ-მხატვრული საპროექტო დოკუმენტაციის საკონკურსო წესით შესყიდვა.

3. ხელშეკრულების ღირებულება

3.1 ხელშეკრულების ღირებულებაა _____ ლარი.

3.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია

ა) უზრუნველყოს წინამდებარე ხელშეკრულების მე-2 მუხლით გათვალისწინებული მომსახურების მიწოდება 4 ეგზემპლარად და CD დისკით შემდეგ მისამართზე ქ. ახალციხე, შ. ახალციხელის ქ. №2.

ბ) საჭიროების შემთხვევაში შეიტანოს ცვლილებები შემსყიდველის დაკვეთით.

ასევე განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყონებლივ უზრუნველყოს აღმოჩენილი ხარვეზების გამოსწორება;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. მომსახურების ხარისხი

ხელშეკრულებით გათვალისწინებული მომსახურების ხარისხი უნდა შეესაბამებოდეს დადგენილ სტანდარტებს

6. ხელშეკრულების შესრულების კონტროლი

6.1 შემსყიდველს მიერ ხელშეკრულების შესრულების კონტროლი განახორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2 ინსპექტირებას განახორციელებენ-----

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი)

უფლებამოსილია ჩაატაროს ხარისხის კონტროლი და თუ აღმოჩნდება წუნით გაწეული მომსახურება, მიმწოდებელი ვალდებულია წერილობითი შეტყობინებიდან 5 (ხუთი) დღის ვადაში გამოასწოროს წუნი ან, თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორების შეუძლებელობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

6.5 მიმწოდებელი ვალდებულია საკუთარი რესურსებით უზრუნველყოს შემსყიდველის კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თავით შემსყიდველი.

7. მომსახურების მიღება-ჩაბარების წესი

7.1 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით და ინსპექტირების განმახორციელებელი პირის/პირების დადებითი დასკვნის საფუძველზე.

7.2 მომსახურების მიღებას აწარმოებს -----.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტაა-ლარი;

ბ) ანგარიშსწორების ფორმა - უნაღდო, ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და დღე-ს არგადამხდელობის შესახებ ცნობის (საგადასახადო ორგანოდან) წარმოდგენიდან 15 (თხუთმეტი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების გაწევის ვადის გადაცილების შემთხვევაში მიმწოდებელს ეკისრება პირსაგამტეხლო ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით. 10.2 წინამდებარე ხელშეკრულების 6.3 პუნქტით გათვალისწინებული პირობების დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირსაგამტეხლო წუნდებული მომსახურების ღირებულების 0.07%-ის ოდენობით.

10.3 იმ შემთხვევაში, თუ მიმწოდებელზე დაკისრებული პირსაგამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირსაგამტეხლოს ანაზღაურება.

10.4 პირსაგამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

20.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

20.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველს უფლებამოსილია შეწყვეტოს წინამდებარე ხელშეკრულების მოქმედება თუ მეორე მხარე ვერ უზრუნველყოფს ხელშეკრულებით ნაკისრი ვალდებულებების შესრულებას; ან მოქმედი კანონმდებლობით დადგენილ სხვა შემთხვევაში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს -----.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

16. სხვა პირობები

ხელშეკრულების შედგენილია ხუთი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ოთხი შემსყიდველს.

შემსყიდველი ორგანიზაცია:

ახალციხის მუნიციპალიტეტი:

საკრებულოს თავმჯდომარე

მალხაზ გიქოშვილი

მიმწოდებელი ორგანიზაცია: